

本經疏證第九卷

目錄

馬通

羊肉

露蜂房

鼈甲

蟾蜍

蜚蜚

廕蟲

梅實

大豆黃卷

赤小豆

酒

秬米

小麥

麴

大麥

豆豉

葱

薤

蘇



本經疏證第九卷

武進鄒澍學

同邑後學臧鳳藻校

中品獸二味蟲魚五味果一味穀八味菜三味

馬通微溫主婦人崩中止渴及吐下血鼻衄金創血

史記大宛多善馬馬汗血其先天馬子也是知馬之
氣最盛者能使血隨汗出卽劣亦能不使血停於中
散之以行脈絡矣然獨用其通何也蓋馬通之治治
血之因寒而停遇隙以溢者何以知之則以別錄謂
其微溫仲景用於柏葉湯知之夫血緣火迫而溢必
不用性溫者爲治且不使與乾薑艾葉爲伍矣馬一
身之物非性寒卽有毒均非能鍾生氣於人身者惟



通則性溫而爲養馬一身之餘縱使一切性寒有毒之骨肉藏府皆賴此以生長則人之身其因寒因傷而血停因血停而吐衄崩漏者均能行以散之不容其再停矣然謂其止渴何也夫惟止渴一語獨隸於婦人崩中之下亦可知其崩中則一身津液隨血而流遂不足以上滋固無與於吐衄金創小小下血者矣

羊肉味甘大熱無毒主緩中乳餘疾及頭腦大風汗出虛勞寒冷補中益氣安心止驚

論羊肉者多以金匱真言論南方赤色入通於心其畜羊爲證謂火畜性熱可以已虛寒又爲血肉可以

補形之不足若以周官六畜之分隸司徒主牛宗伯
主雞司馬主馬及羊司寇主犬司空主豕而言誠不
得不謂之火畜然馬亦隸夏官同爲火畜非無血肉
獨不可已虛寒而補形乎且賈子胎教篇不謂羊爲
西方之牲乎淮南子時則訓註不謂羊爲土畜乎不
又謂羊爲土木之母乎呂覽孟春注不謂羊屬土乎
是又當作何說矣易兌爲羊兌之爲卦二陽在下一
陰居上陽牽於陰雖奮而不剛陰比於陽柔和而力
厚象羊之性抵很難移

易央注又史記預羽
本紀很如羊貪如狼

羊之體

馴擾易制爲發於火充於土其究爲適口可悅之物
故首主緩中緩者急之對急卽仲景所謂寒疝脅痛

裏急產後腹中疼痛者藉其陽足以挾陰而陰仍比
陽不受陽之傷也西北彌寒生羊彌豐肥南方所生
則瘠而味劣故又能於虛勞寒冷中補中益氣藉其
氣之生長宜於寒也胎生之易者無逾於羊故又主
字乳餘疾字乳必傷血肉乃有餘疾藉血肉之充以
補之也羊目無神反有遠視五行傳注羊畜之遠視者是其陽直
達於上以與陰濟而能遠燭故又主頭腦大風汗出
藉其陽能和陰不使陽加於陰也安心止驚則無羊
之詩所謂矜矜兢兢不騫不崩馴擾之得宜眠食之
得所固有與人相從而無忤者亦取其意爲虛弱之
軀思患預防之治耳

露蜂房味苦鹹平有毒主驚癇瘰癧寒熱邪氣癰疾

精蠱毒腸痔火熬之良又療蜂毒毒腫一名蜂腸

百穿一名蜂勦生牂牁山谷七月七日採陰乾

惡乾薑丹參黃

芍藥
牡蠣

露蜂房古人多謂須用如甕如桶者今肆中蓋不多
覲惟用木上者大則如盃小則如甌其形如蓮房十
百攢簇界畫渾圓大小均稱其質似紙外包褐色中
管青白其蒂以漆繫於木枝而倒懸焉大率皆木皮
水土醞釀而成者也三月諸花盛開時蜂始營構旋
構旋生子於中夏則子成小蜂猶子母皆聚於是深
秋則蜂去至明歲蜂來則別營他枝不戀舊巢也

錄

巢氏云小兒壯熱者是小兒血氣盛五藏生熱熏發於外故令身體壯熱大致與溫熱相似而有小異或挾伏熱或挾宿寒所致若不歇則變爲驚極重者亦變癇或搖頭弄舌或睡裏驚掣數齧齒是欲發癇其已發者或口眼相引目睛上搖或手足掣縱或背脊強直或頸項反折十歲已上爲癲十歲已下爲癇潛夫論貴忠篇哺乳太多則必掣縱而生癇由是而言癱瘓卽掣縱也

說文癱瘓小兒病

掣收引也縱弛放也癱瘓

者熱甚而手足一掣一縱相連不已也素問玉機真藏論疝瘕弗治腎傳之心病筋脈相引而急名曰癱則癱爲收引又何疑焉以是知本經露蜂房所主驚

癰癧癰小兒伏熱宿寒之所爲也寒熱邪氣癰疾成
人受邪鬱伏之所爲也是皆得於氣血素盛之人其
以露蜂房主之之故則有說焉夫蜂房縱風搖而能
常安常定遇酷暑而偏以生以育且其界限分明秩
然有序其孔一直到底竝無歧互似經脈經筋所容
之隙是其於酷熱之中反鍾生氣不畏生風能約束
一身秩然有序之孔道使經脈間氣血不至橫溢經
筋自無引縱弛縮之患矣雖然巢氏不又云風癰者
由血氣少則心虛精神離散魂魄妄行因爲風邪所
傷故邪入於陰成癰疾乎則是物必又能於陰中拔
出風邪也夫蜂靈迅飛颺色黃且赤其物固應屬陽

其所營之房已卻不能入內惟生子於其間迨子既成蜂亦卽出而不能入風本陽邪恰似蜂之飛颺不定而鍾其氣於艱入難出之陰中仍涵煦淹育使其所鍾還象已之飛颺外出不能復入可不謂於陰中拔出風邪之驗耶要之蜂性自陽蜂子自陰故本草載諸蜂子皆言性涼癰癰等疾其根鍾於內者屬陰其發見於外者皆陽素問大奇論曰心脈滿大癰癰筋攣肝脈小急癰癰筋攣又曰二陰急爲癰厥二陽急爲驚可見驚病於上癰病於下今之所主原因驚致癰爲由外而內用露蜂房之意在內則使之外出在外則使其出有序而不得亂行列也

用露蜂房之義止兩端一者病從外入使仍從內出此會意也別錄同蛇皮亂髮燒灰酒服治諸惡疽附骨癰根在藏府暨歷節腫出丁腫惡脈諸毒是也者病客於燦然排歷之處能除去之此象形也外臺同細辛含治牙齒風蟲痛肘後炙焦酒服治鼻中外渣癰是也然仲景於鼈甲煎凡用之爲會意耶爲象形耶夫亦兩者皆兼之矣癰病自經入此爲象形而結根於內此爲會意烏季韶云凡痘出點粒漫渾顆界不明用露蜂房隨卽顆粒秩然痘亦從內外出之候欲其界畫顯明者卽此亦可悟其功能矣

鼈甲味鹹平無毒主小腹癥瘕堅積寒熱去痞息肉陰

蝕痔惡肉療溫瘡血瘕腰痛小兒脅下堅肉味甘主傷

中益氣補不足生丹陽池澤取無時惡瘡石

鼈水居陸生穹脊連脅其甲四圍有肉裙故曰鼈肉

裹甲無耳以目爲聽純雌無雄與蛇及鼃爲匹夏日

生卵於涯渡河隔水望之卵自孚化而出性畏隙光

暴之日中無恙置隙光之下輒死又畏蚊嚙之經夕

則死綱目

鼈無雄以蛇爲匹蛇迅疾善竄鼈則蹢躅不前而色

青是斂風於木也鼈無耳以視爲聽是并水於木也

夫熱不以風不清風不以雨不息以熱生風者因雨

而遂和此其性謂之水木之化肉者柔也陰也甲者



剛也陽也以肉裹甲此其形爲柔中有剛陰中有陽
水木之化乃鍾於柔中有剛陰中有陽之內是故癥
瘕堅積之在心腹者可除痞疾之外有寒熱者可去
凡竅之能開能闔者屬陽口目是也不能開闔者屬
陰耳鼻前後陰是也鼻生息肉後陰生痔核前陰遭
蝕腐非柔中有剛陰中有陽而何故亦能去之

仲景用藥在處宗法本經又在處別出心裁擴充物
理精奧以啟悟後學如病於外根據於內者用鼈甲
煎凡煮鼈甲令泛爛如膠漆然後同諸藥熬令成凡
是化剛爲柔法欲使剛者不倚巖附險隨柔俱盡也
邪盛於中達於上而不得洩用升麻鼈甲湯則鼈甲

與諸藥不分次第一概同煎是以剛摧柔法欲使柔者隨剛通降也何則雖結爲癥瘕所苦仍在瘧之不止則可知昔日之有外無內今日之重外輕內者他時必至重內輕外有內無外也故於外仍不離桂枝湯大芩胡湯小芩胡湯大承氣湯之治其葶藶石韋瞿麥之通水四蟲桃仁紫葳牡丹之通血猶不過隨行逐隊去其閉塞未有能使內者仍外分者仍合者故主以堅鞭之物煮令稀稠統率衆品并歸於外之寒熱寒熱遂亦差也熱毒壅結無論在陰在陽皆咽與喉俱痛惟驗其面發赤斑斑如錦文且唾膿血者爲在陽面目青且身痛者爲在陰並用升麻鼈甲湯

治之者以其病雖由於氣不得升降其源實由於血
壅結不行升麻之通通其氣耳故必以水木并化自
下而上直通於目之鼈甲以竝之且其味鹹性平清
血熱而主降主開但得喉中之結解則上下通和邪
熱自然透達也於此更可悟血以熱結不通熱以血
阻更增者竝宜鼈甲主之推之後人所謂補陰補氣
除癖行瘀莫不由此矣

蟻螬味鹹微溫微寒有毒主惡血血瘀痺氣破折血在
脅下堅滿痛月閉目中淫膚青腎白膜療吐血在胃腹
不去及破骨踈折血結金瘡內塞產後中寒下乳汁一
名蟻螬一名肥聖齊一名敦齊生河內平澤及人家積糞

草中取無時反行者良

蜚蠊爲之使惡附子

蟻螯狀如蠶而大身短節促足長有毛生糞土中者

外黃內黑生舊茅屋土者外白內黯以背滾行乃蟻

於腳春末夏初輒縮短而殼硬漸成蟬形中夏已後

剖背而出化爲蟬

參拾遺綱目

或問莊子戶內之煩壤雷霆處之當作何解夫亦當

知春夏者陽必暢而後甯苟有遏抑則激薄有聲是

爲雷霆屋宇之下天之陽與地之陽旣艱於相接已

加以糞埽之穢積而不除斯地之陽益秘鬱難達能

不奮決砰訇激射而出耶夫是謂至陰之中必有至

陽由此推之則理之所同然蓋有指不勝屈者卽蟻

蠶一物亦所謂至穢之中必有至清者也夫糞壤穢
氣抑遏清化化爲蠶蠶俄而爲蟬嘹唳聲清吸風飲
露如是則蠶蠶之用宜乎下除穢濁上透清陽矣而
本經云云猶在中不在上下在血不在氣何也夫未
化蠶蠶已前固最穢濁旣蛻爲蟬以後始最清潔當
其爲蠶蠶則已雜乎濁未至乎清人身之有形可按
有跡可尋已離乎濁未至乎清者舍血更何似矣血
仍至清者也惡血瘀血破折所傷之血則清而未離
乎濁矣况血生自中焦脅下者方離中焦猶未甚遠
正在化源所近遂變濁焉則不以離濁向清者治之
而誰以故曰主惡血血瘀痺氣破折在脅下堅滿痛

月閉也雖然以蟻螬泛治瘀血在中不在上下猶非善計何者惟瘀血在中而痹氣致清氣不上朝者方爲大合之劑故下著目中淫膚青腎白膜句仲景所用通瘀不下一二十味獨於兩目黯黑之乾血證用蟻螬後人循此而識之蟻螬可無誤用矣

蜚蠊味苦微寒有毒主逐瘀血破下血積堅痞癥瘕寒熱通利血脈及九竅女子月水不通積聚除賊血在胃腹五藏者及喉痹結塞生江夏川谷五月取腹有血者良

蜚蠊大如蜜蜂腹凹褊微黃綠色善噉牛馬血

衍義

說見水蛭下